



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lvitprandi Ticinensis Diaconi Opvscvlvm, De Vitis Romanorvm Pontificvm

Liutprandus <Cremonensis>

Mogvntiae, 1602

Cap. VI. S. Evaristvs.

urn:nbn:de:hbz:466:1-11115

ropolitani dicantur, ordo tamen vnus est, sed ipsa discretio nominum discretionem indicat maiorum in prælatione iudicii, non in potestate Pontificii. Romanam verò Ecclesiam primam sedem vocat, quia B. Petrus & Paulus suo martyrio eam cæteris omnibus prætulerunt. Secundam verò sedem esse apud Alexandriam dicit, quia B. Petri nomine, & à Marco eius discipulo atq; Euangelista consecrata est. Tertiam verò sedem apud Antiochiam, quia B. Petrus, antequam Romam veniret, illic habitauit, & Ignatium ibi constituit Episcopum, & illic primum nomen Christianorum nouellæ gentis exortum est. Accusatores autem & testes dicit esse non posse, qui ante hesternum diem, aut nudius tertius inimici fuerunt, ne irati nocere cupiant, vel læsi vlcisci se velint. Dicit etiã pro meritis plebis sæpe pastores Ecclesiæ deprauari, vt procliuius corruant qui sequuntur capite videlicet languescente facilius reliqua corporis membra inficiuntur. Dicit etiam; si Doctor vel Pastor Ecclesiæ à fide exorbitauerit, erit à fidelibus corrigendus, sed pro reprobis moribus magis est tolerandus, quam distringendus, quia Rectores Ecclesiæ à Deo sunt iudicandi.

CAP. VI.

S. EVARISTVS.

A. cxii.

EVARISTVS, natione Græcus, ex patre Iudæo, Iuda nomine, de ciuitate Bethlehem, sedit annos 9. menses 10. dies 2. Fuit autem temporibus Domitiani & Neruæ, à consulatu Valentis, & Veteris, vsq; ad Gallum, * & Bradum consules, sub quib. martyrium passus est, 6. Kal. Nouë. Hic ordinauit Episcop. 5. presbyt. 6. diac. 2. Hic in suis decretis præcepit 7. diac. in vnaqua; vrbe cõstituendos, ad custodiendũ Episcopũ, ne ipse in prædicatione ab insidiatorib. infestetur, aut verbũ veritatis quolibet genere detractionis pollui possit.

^a Hic etiam scriptum misit vniuersis Episcopis Africæ regionis, quod coniugium legitimum sit in omni Ecclesia habendum, ita dicens. *Aliter non fit legitimum coniugium, sicut à Patribus accepimus, & sanctis Apostolis, eorumq; successoribus traditum inuenimus, nisi ab his qui super ipsam feminam dominationem habere videntur, & à quibus custoditur, vxor petatur, & à parentibus aut propinquiõibus sponsetur, & legibus dote- tur, & suo tempore sacerdotaliter, vt mos est, cum precibus & oblationibus à sacerdote benedicatur, & à paranympis, vt consuetudo docet, custodita & seruata à proximis tempore congruo petita legib. detur, & solenniter accipiat, & biduo vel triduo orationib. vacent, & castitatem custodiant. aliter verò presumpta, non coniugia, sed aut adulteria, vel concubia aut supra, vel fornicationes potius, quàm legitima coniugia esse non dubitate, nisi voluntas propria suffragauerit, & nota succurrerit legitima.*

^b Hic idem in alia epistola, quam omnibus Episcopis per Ægyptum

ptum morantibus scripsit, de Episcopo & Ecclesia dicens: Ecclesia iungitur Episcopo spiritualiter, velut sponsa carnaliter sponso. Et sicut vir non debet negligere vxorem suam, sed diligere, & castè custodire, & prudenter regere, ita & Episcopus debet Ecclesiam suam, & Ecclesia in omnibus obedire sicut vxor viro suo debet. Et sicut viro non licet dimittere vxorem suam, ita & Episcopo non licet dimittere Ecclesiam suam, absque ineuitabili necessitate, aut Apostolica, vel regulari mutatione, & alteri se ambitus causa coniungat. Et sicut vxori non licet dimittere virum, licet sit fornicatus, vt alterum eò viuente ducat, ita Ecclesia viuente Episcopo suo non potest alium superducere. De Episcopis verò infamatis, & à sedibus pulsis, in eadem præcepit, vt reuocentur, & integerrimè restituantur, & superducti, velut adulteri, eiiciantur. His peractis, si quis aduersus eos querelam habuerit, inquirendum erit, & auctoritate Romanæ sedis terminandum. Qui non à plebe, aut à vulgaribus hominib. sunt arguendi, vel accusandi, licet sint inordinati, quia pro meritis subditorum disponitur à Deo vita Doctorum. Item inferius. *Si qui sunt vituperatores, aut accusatores Episcoporum, vel reliquorum sacerdotum, non oportet eos à iudicibus Ecclesie audiri, antequam eorum discutatur aestimationis suspicio, vel opinio, qua intentione, qua fide, qua temeritate, qua vita, qua conscientia, quoue merito, si pro Deo, aut pro vana gloria, aut inimicitis, vel odio, aut cupiditate ista presumpserint, necne? Hac omnia sunt perscrutanda & diligenter pertractanda.* Deus enim, vt nos à præcipitata sententiæ prolatione compesceret, quum omnia nuda sint & aperta oculis eius, mala tamen Sodomæ noluit audita iudicare, priusquam manifestè agnosceret, quæ dicebantur. Hic etiam decretum statuit de non iniuriandis, aut lacerandis Episcopis.

1. Cor. 7.

2. q. 7. c. si qui.

Hebr. 4.

Genes. 18.

CAP. VII.

S. ALEXANDER.

A. CXXI.

a epi. 1. ad omnes.

3. q. 4. c. hi qui.

ALEXANDER, natione Romanus, ex patre Alexandro, de regione caput Tauri, sedit annos 10. menses 7. dies 2. Fuit autem temporibus Traiani vsque ad Helianum & Veterem. Hic martyrio coronatur 5. nonas Maii. *Hic præcepit de sacerdotibus non vexandis, aut scriptis ab eis vi aut metu, aut fraude aliqua non exigendis, ita dicens in epistola, quam omnibus orthodoxis Episcopis per diuersas prouincias commorantibus scripsit. *Eorum accusandi Episcopos, vel testificandi in eos vocem obstruimus, quos non humanis, sed diuinis actibus mortuos esse scimus.* Et inferius. *A prædecessoribus nostris inhiberetur legimus, vt nemo constringat Doctores, neque accusatio-*
nem.